

# Penyu terperangkap diselamatkan bomba

Sinar Harian 10/8/2020 m/s 28

FOTO: BERNAME

Penyu agar betina seberat 150kg itu terperangkap di bawah timbunan pokok tumbang

## CHUKAI

**A**nggota Balai Bomba dan Penyelamat Kerteh menyelamatkan seekor penyu agar betina seberat 150 kilogram yang terperangkap di bawah timbunan pokok tumbang di Pantai Cakar Hutan, Kampung Labohan, Kerteh pagi semalam.

Pegawai Pusat Gerakan Operasi, Penolong Kanan Penguasa Bomba Terengganu, Shahrizal Shamsudin berkata, sejourus menerima panggilan kecemasan pada jam 8.20 pagi, seramai 10 anggota bersama satu jentera digerakkan ke lokasi kejadian.



Seekor penyu agar betina yang terperangkap di bawah timbunan sebatang pokok tumbang di Pantai Cakar Hutan, Kampung Labohan, Kerteh berjaya dikeluarkan dan dilepaskan semula ke laut setelah didapati tidak mengalami sebarang kecederaan.

“Ketika anggota kita sampai ke lokasi, terdapat seekor penyu terperangkap di bawah timbunan sebatang pokok tumbang dan pihak bomba bertindak membuat laluan keluar dan memotong pokok berkenaan menggunakan alatan pemotong kayu.

“Penyu tersebut berjaya dikeluar-

kan dan tidak mengalami sebarang kecederaan. Pihak bomba kemudiannya melepaskan kembali penyu itu ke laut,” katanya ketika dihubungi *Bername* di sini semalam.

Shahrizal berkata, operasi menyelamatkan penyu terbabit selesai pada jam 10 pagi. - *Bername*